



Uunga
Inatsisartunut ilaasortaq
Tillie Martinussen
Suleqatigiissitsisut

Kalaallit nunaanni Politiit pillugit § 37 naapertorlugu apequttip nr. 147-2018-ip akineqarnera

Asasara Tillie Martinussen

20-07-2018
Sags nr. 2018 - 14578
Akt. id. 8276467

Kalaallit Nunaanni Politiit pillugit apequtinnut qujanaq.

- 1. Naalakkersuisut pilersaaruteqarnerlutik danskit inatsisinik atortitsinnermut ministereqarfiat itisilerlugu ilisimatissallugu Kalaallit Nunaanni politiit pinerluuteqarsimasunullu mattussivinni sulisut sulinerminni atugaat pillugit aamma taakku sulinerat Danmarkimi sulinnermut naleqqiullugu sukkuat immikkoorteqarnerisut?**

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iniaan@nanoq.gl
www.naalakkersuisut.gl

Justitsministerimut Søren Pape Poulsenimut kingullermik allakkanni Kalaallit Nunaanni Politiini sulisut assigiimmik akissarsiaqartinneqarnissaannik ajornartorsiutit maluginiaquakka. Suliassaqarfik pillugu massakut qulaajaasoqarmat Justitsministeeriaqarfiup ilisimatitsissutigigaa, matumani ilisimatitsissutigissavara. Neriuppunga Justitsministeri septembarimi ataatsimeeqatigisinnaassallugu, apeqqullu taanna oqaluuserisassani ilaassasoq naatsorsuutigaa.

Kalaallit Nunaanni Politimesteri aamma Kalaallit Nunaanni Pinerluttunik Isumaginnittut suliffeqarfiupput Justitsministeeriaqarfiup ataaniittut, taamaammallu pissusissamisoortumik ajornartorsiutitik pillugit ministeeriaqarfik ataavartumik oqaloqatigisaraat naatsorsuutigaa.

- 2. Naalakkersuisut pilersaaruteqarnerlutik Kalaallit Nunaanni politiini ikiaroorartulerisuinut amerlanerusunik aningaasaliisoqarnissaa qinnutigissallugu siunertaralugu immikkoortotami sulisut amerlineqarnissaat?**


Inatsisinik atuutsitsinnermut suliassaqarfimmi periusissatut suliniutissatullu pilersaarut malillugu Naalakkersuisut sulipput. Ikiaroorartulerisut amerlanerusut kissaatigineqartut tassani takuneqarsinnaanngilaq, taamaammatt massakut taakkununga aningaasaliissutinik amerlanerusunik kissaateqarnissaaq pilersaarutaanngilaq, kisianni periusissatut suliniutissanullu pilersaarutip allanngortiterneqarneranut atatillugu ajornartorsiutip tulleriarinermi allattorsimaffimmut ilanngunneqarnissaa Naalakkersuisut isumaliutigiumaarpaat.

3. Naalakkersuisut pilersaaruteqarnerlutik danskit inatsisinik atortitsinermut ministereqarfianut nassuiaateqarfigissallugu Kalaallit Nunaanni politiit immikkoortortaqarfiat sunik ajornartorsiuteqarnersoq kalaallit nunaanni pissutsit immikkuullarissuunerat pissutigalugu?

Justitsministeeriaqarfimmik taassumalu Atlantikup avannaanut immikkoortortaqarfianik politiini ajornartorsiutit assigiinngitsut, kalaallit nunaanni pissutinut immikkut attuumassuteqartut pillugit, uanga naallakkersuisoqarfigalu ataavartumik oqaloqatigiissuteqartarpugut.

Soorlu qulaani taaneqareersoq, Kalaallit Nunaanni Politimesteri Justitsministeeriaqarfiup ataaniittutut Justitsministeeriaqarfimmut aamma taamatut oqaloqatiginnissuteqartarpoq.

Inussiarnersumik inuulluaqqusillunga



Anthon Frederiksen